

Universitätsbibliothek Paderborn

**B. Alberti Doctoris Magni ex Ordine Prædicatorum
Episcopi Ratisponensis De Adhærendo Deo Libellvs**

**Johannes <de Castello>
Albertus <Magnus>**

Antverpiae, 1621

Cap. XLII. Albertus vsque ad finem vitæ suæ diuinis Scripturis fuit intentus.

urn:nbn:de:hbz:466:1-44148

affatu fuerit, hoc facto ostenditur sufficientissimè: quia suo tempore, dum ciuitas Coloniensis discordiam non paruam cum Comite Montensi, qui nunc Dux Montensis & Iuliacensis est, haberet; ipse pacem optatam cunctis mortalibus suo affatu & prudentia utrisque contulit: ita usque nunc mirantur qui de Senatu sunt Coloniensis ciuitatis, de sapientia ipsius Alberti, eò quod in scriptis processum concordantiae iam dictæ apud se habeant. Fertur etiam suo studio factum fuisse, ut Regularium Canonicorum Fratres in quibusdam partibus Alamanniæ ad regularem obseruantiam sint reducti.

CAPVT XLII.

Albertus usque ad finem vitæ suæ diuinis Scripturis fuit intentus.

SALVATORIS autem nostri informatus doctrina, quam audie semper sitiebat, usq; in finem, licet senio confectus, eamdem legendo, scribendo, aliis propinare non destitit: vnde Librum de Corpore Christi, ut præfatus Frater Bernardus eius contemporaneus retulit

lit in sua Chronica, circa finem vitæ plenum fide & deuotione scripsit. Similiter & deuotissimum Tractatum De adhærendo Deo, quemadmodum initium eius Tractatus testatur, qui sic incipit: *Cogitavi mihi aliquid ultimè (in quantum possibile est in huius exilij & peregrinationis immoratione) depingere, scriptitando de & super ab omnibus plena & possibili abstractione, & cum solo Domino Deo expedita, secura, & nuda firmaque adhæsione: præsertim cùm ipsius Christianæ perfectionis finis sit charitas, qua Domino Deo adhæretur, &c.* Quem Tractatum si inspexeris apertis oculis, tamquam in speculo, Alberti mentis faciem ab omni labe alienam videbis: quod magis lectione ipsa inuenies verum, quàm nostra persuasione.

CAPVT XLIII.

Numerus Librorum Alberti, tam in Theologia quàm in Philosophia.

Et quia flosculos varios, spiritualem de se spirantes suavitatem, ex Libris ipsius colligere possemus, ne tædium